

**Date – 23/11/2024**

**Time - 7:30 -7:40Hrs**

**REGIONAL NEWS BULLETIN**

**HEADLINES (MORNING)**

- 1. Union Minister of State for Minority Affairs, Fisheries, Animal Husbandry and Dairying George Kurian chuan Hnahthial District a tlawh.**
- 2. Nakum January thlaa Viksit Bharat Young Leaders Dialogue New Delhi- a Prime Minister Narendra Modi a hova neih tura Mizo tel tur te Sports & Youth Affairs Department in a thlang dawn.**
- 3. Tukin dar 8 atangin Maharastra leh Jharkhand Assembly inthlan vote chhiar a ni dawn.**
- 4. Prime Minister Narendra Modia chuan khawvelin India chu thawhpui pawimawh tak a nih zia a hre chho mek a ti.**



**UNION MINISTER**

**Union Minister of State for Minority Affairs, Fisheries, Animal Husbandry and Dairying George Kurian chuan Hnahthial District tlawhin Hnahthial District-a office hotute a kawm a, District chhunga central scheme hmanga hmalakna hrang hrang a tlawh kual nghal bawk a ni.**

**Pu George Kurian-a chuan Hnahthial District chhunga sawrkar laipui hmalakna (Central Scheme), a bikin Pradhan Mantri Awas Yojana (PMAY), Jal Jeevan Mission(JJM), Mid-day Meal, Kisan Credit Card (KCC), Ayushman Bharat leh Agriculture leh Fisheries Ministry hnuiaia Scheme hrang hrang kalpui dan te zawt chiangin a sawipui a. Pu Kurian-a chuan central scheme kalpuina kawnga tithuanawpthei thilte bakah an hmalak leh zelna atana an mamawhte chu ngaihthlak sakin infrastructure lamah Hospital leh College ten mamawh an neihte a zawt a. Government Hnahthial College-ah Arts stream chiah a awm chu paw a tih thu sawiin Science stream hawn theih nan central lam atangin funding a awm theih thu a tarlang a. Department hrang hrangte chuan an mamawhna theuh te thlenin Pu George Kurian-a chuan an harsatna leh mamawhna te chu a chhinchhiah thu leh a theih anga hma laksak a tum thu a sawi a ni.**

**Union Ministryer of State hian Anganwadi te tlawhin, Animal Husbandry & Veterinary building, Hnahthial District Hospital, Leite a Jal Jeevan Mission hnuiaia Solar Pump House sak te, PMAY-U hnuiaia sak, Pu K. Lalchhuanawma, Lunleng Veng in chu a endik bawk a ni.**

**Pu Kurian-a hi Hnahthialah nizan khan a riak a, tukin hian Lengpui Airport atangin Delhi lam a pan ang.**



## **VIKSIT BHARAT**

**Nakum January thlaa Viksit Bharat Young Leaders Dialogue New Delhi-a Prime Minister Narendra Modi a hova neih tura Mizo tel tur te Sports & Youth Affairs Department in a thlang dawn.**

**He thu hi Sports dept Deputy Secretary Pi Marilyn Rualzakhumthangi chuan nimin khan Aizawl Press Club-a chanchinbumite hmaah a puang a, tunkar tir lam khan Union Sports Minister Dr. Mansukh Mandaviya chuan Viksit Bharat Young Leaders Dialogue chu kumthar January ni 11 leh ni 12-ah buatsaih a ni dawn tih a puangzar tawh thu sawiin Ni hnih chhung hian Prime Minister Pu Narendra Modi chuan thalai mi 3000 te New Delhi-a Bharat Mandapam-ah a kawm dawn a ti a. Hei hi India ramintodelh, Viksit Bharat a nih theihna tura hmalakna pawimawh a nih thu leh, Prime Minister pawhin thalai hmahruaitu nuai 1 tal India ramintodelh a neih theihna tura hmalakna a nih thu a sawi a ni.**

**Sports & Youth Affairs Deputy Secretary chuan he dialogue-a tel tur thlan dan tur sawifiahin round khatna atan tun thla ni 25 leh thla thar December ni 5 chhungin All India Quiz Competition buatsaih a nih dawn a. Heta tling te hian round dang - essay ziah intihsiak leh state huap Viksit Bharat Vision insawisiak buatsaih a nih leh tur thu leh chung rounda tling te chu Prime Minister hoa hun hman turah an tlin dawn thu a sawi.**

**Mizo thalai a tam thei ang bera tel tura sawmin Pi Marilyn Rualzakhumthangi chuan Viksit Bharat thlang tura ram siam hna thawh mekah Mizo thalai a tam thei ang berin tha an thawh ve theih nan he intihsiakna hmachhawn tur leh Viksit Bharat Young Leaders Dialogue-a tel tum ngei turin thalaite a sawm a ni.**

**Rit chawi chak Jeremy Lalrinnunga pawhin a thalai puite he Dialogue-a tel tura fuihin thalai kum 15 atanga kum 29 inkar te a tel theih thu leh, he hun tha hi chhuan lo awm zel tur ten hma an sawn theihna tura hmalakna pawimawh tak ni a a hriat thu a sawi a ni.**

**BYTE OF JEREMY**



## **SCHOOL EDUCATION MINISTER**

**School Education Minister Dr Vanlalhlalan zirna siamthat thawh chhoh mekah sikul naupang nei tlem sikulte chu a remchang apiang kaihkawp tum a ni a ti.**

**Nimina a hova School Education Complex Conference hall-a School Education Department Quarterly Review meeting ah he thu hi sawiin Dr Vanlalhlana chuan School inspection tha taka kalpui a pawimawh thu leh tan lak a ngaih thu a sawi a, aikal lak chungchangah sorkar a kal tlang dawn a ni a ti bawk.**

**Minister chuan School sak leh thawmthat hnaah a nih dan anga kalpui a pawimawh a ti a, School-a thawkten bialtu DEO te hriatpui loh chuan lo tihdanglam a remchang lo a ni a ti bawk.**

He review meeting-ah hian Education Consultant Rev Prof. Dr. K. Thanzauva pawhin thu a sawi a, School-ah class room-a zirtirna tihthat a tul thu leh tun dinhmun chu a tha tawk lo nia a hriat thu a sawi a. Zirtirna titha tur hian zirtirtuten lesson plan uluk takin siam se, chumi hmang chuan zirtirna kalpui se, class room zirtirna a that theih a beisei thu a sawi a. Sikul mamawh hi sorkarin a pe vek seng lova, khawtlang nen tanrual a ngai a ni a ti.

School Education review meeting-ah hian School Education Officer te, MBSE, SCERT, Samagra Shiksha officer-te leh Education Reform Committee member-te an tel a ni.



AKASHVANI LUNGLEI

All India Radio Station Director leh Mizoram Cluster Head Pu DR Lalropuia'n tunlai thiamna hmanga hmasawna tam tak awm karah Radio chu mipui thinlungah ngaih pawimawh leh hlut ala hlawh reng a ti.

He thu hi nimina Akashvani Lunglei Foundation Day vawi 30-na a hmanpui na ah sawiin Station Director chuan mipui thinlungah Radio chu hlut ala hlawh reng a ti a, Akashvani thawktute tunlai khawvela hmasawna hrang hrang hmang thiam a, Digital khawvela social media te chu hman tangkai thiam a pawimawh tih sawiin thawktute hmasawn tuma ñan lak a pawimawh tih a sawi.

Mizoram Cluster Head Pu DR Lalropuia chuan Akashvani Lunglei ah hmasawna a awm zel tih sawiin khawl ñha tak tak hmanga thuam chak zel a ni a ti a, hmasawna a awm zel theih nan technical staff 3 dah thuai an ni dawn a ti a, Akashvani Lunglei chu Mizorama FM Broadcasting Station hmasa ber a ni a ti a, FM dinchhuahna anih avangin Mizorama Radio FM hlutna chawinungtu an ni a ti bawk.

Doordarshan Kendra Director (News) Pu Nampibou Marinmai pawhin thusawiin Akashvani chuan an program hrang hrang hmangin mipui hriattur pawimawh alo puang chhuak ñhin a ti a, hnam ziarang pholanna pawimawh tak ani tih sawiin mipui rin an hlawh zel theih nan theihtawp chhuah chhonzawm turin thawktute a chah a, Radio chu mi tin thleng phak anih avangin tunlai hmasawna awm chu hmang thiam a, thawhhona ñha tak nena chhonzawm zel turin a chah bawk.

Akashvani Lunglei-a Asst Director (Program) Pu Biakchungnunga pawhin thusawiin Lunglei mipui mai bakah chhim lamah Akashvani Lunglei chuan hlut ala hlawh hle a ti a, Social media lamah hmarchhak station hrang hrang zingah mipui ngaihhlut ber a ni mek tih a sawi.

Kum 1995-a din Akashvani Lunglei kum 30 tlin lawmna Akashvani Aizawl atangin thawktu mi 20 chuang he hun chhim tur hian an kal a, Field Station hrang hrang Champhai, Kolasib, Tuipang leh Saiha atangin an tel a, Akashvani Lunglei ah hian tun dinhmunah Regular staff 9 leh Casual Asignee 43 an awm mek a ni.



VC/LC E ROLL

State Election Commission chuan nimir khan district hrang hrang Bawrsap ten Village Council leh Local Council Electoral Roll ennawn tur chu an pisaah theuh an tlangzarh a.

State Election Commission thuchhuahin a tarlan danin nakum, kum 2025 chu village council leh local council inthlan kum a nih avangin inthlan hman tur Electoral Roll dik leh felfai tak nei turin ennawn a ngai a. Electoral roll tlangzarh tak chu Assembly Electoral Roll nen a inan loh thu leh, hei vang hian Village Council leh Local Council electoral roll a inthun lut tur te, transfer tur leh siamthat ngai nei te chuan anmahni bialtu VLO leh LLO te hnenah tun thla ni 25 atanga thla thar ni 9 chhunga thehluh tur a nih thu tarlan a ni.

State Election Commission in a tlangzarh tak electoral roll-ah te hian Village Council bikah district hrang hrang Aizawl, Lunglei, Serchhip, Champhai, Mamit, Kolasib, Saitual, Khawzawl leh Hnahthialah te vote nei mipa 2,13,434 leh hmeichhia 2,18,734, an vaiin mi 4,32,168 an awm a. Local Council inthlan turah Aizawl Municipal Corporation hnuaiyah vote nei mi 2,33,092 leh Lunglei Municipal Council hnuaiyah mi 41132, an vaiin mi 2,74,224 an awm a ni.



#### AIR ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.



#### COUNTING

Tukin dar 8 atangin Maharashtra leh Jharkhand Assembly inthlan vote chhiar a ni dawn. Hemi rual hian Nanded Lok Sabha bial leh Assembly bial 48 by-election vote pawh chhiar tel a ni ang.

Election Commission chuan inthlan vote chhiar tuang taka neih anih theih nan ruahmanna felfai tak a siam tih a sawi.

Maharashtra-ah hian tun thla ni 20 khan member 288 awmnaah hian vote thlak a ni a. Hetihlai hian Jharkhand-ah hian inthlan hi thawhniha neih niin tun thla ni 13 leh ni 20 ah te vote thlak a ni.



#### PM

Prime Minister Narendra Modia chuan khawvelin India chu thawhpui pawimawh tak a nih zia a hre chho mek a ti. Germany-a media house pakhatin inhmukhawm a huaihawtah Video Conference kaltlanga he thu hi sawiin Pu Modia chuan a sawrkarin kum 10 kalta chhung thupui bera a neih siamthat, ataka thawh leh inthlak danglam chu tihlawhtlin a ni a ti bawk.



#### MANIPUR

Manipur sawrkara Security Adviser Kuldeep Singh-a hoin nimin khan Imphalah venhimna chungchang ngaihtuahin thutkhawm a ni a. He hunah hian Army, BSF leh Assam Rifle atangin senior official te leh dan leh thupek kengkawhtu dangte an tel a. Security Adviser Singh-a sawidanin CAPF Company 90 in Manipur an thleng tawh a ti a. Company dang 70 in hun reiloteah an rawn zawm leh ang a ti bawk.

<><><>

PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, Tun tum ami hi a tum 116-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>